

**MINISTARSTVO TRGOVINE, TURIZMA I ZAŠTITE
OKOLIŠA HERCEGOVAČKO-NERETVANSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine FBiH", br. 12/03, 34/03 i 65/13), ministar trgovine, turizma i zaštite okoliša Hercegovačko-neretvanskog kantona

**PONIŠTAVA JAVNI KONKURS
ZA IZBOR I NOMINOVANJE DVA ČLANA NADZORNOG ODBORA U PRIVREDNOM
DRUŠTVU HTP "SALUS HOTEL STELLA" D.O.O NEUM, ISPRED DRŽAVNOG
KAPITALA**

Poništava se javni konkurs za izbor i nominovanje dva člana Nadzornog odbora u privrednom društvu HTP "SALUS HOTEL STELLA" d.o.o. Neum objavljenom u dnevnim novinama „Dnevni list“ i „Oslobođenje“, izdanja od 18.11.2025.godine, te u „Službenim novinama Federacije BiH“, broj 88/25 od 14.11.2025. godine. Istovremeno, na osnovu člana 8. Zakona o ministarskim, vladinim i drugim imenovanjima Federacije BiH ("Službene novine FBiH", br. 12/03, 34/03 i 65/13), člana 1., i 6. Uredbe o vršenju ovlaštenja organa Hercegovačko-neretvanskog kantona u privrednim društvima sa učešćem državnog kapitala ("Službene novine HNK", broj 4/07 - u daljem tekstu Uredba), Zaključka Vlade Hercegovačko-neretvanskog kantona o davanju ovlaštenja Ministarstvu trgovine, turizma i zaštite okoliša Hercegovačko-neretvanskog kantona o provođenju konkursne procedure za izbor i nominovanje članova Nadzornog odbora društva HTP "Salus Hotel Stella" d.o.o. Neum, broj: 01-1-02-2613/25 od 27.10.2025. godine, te odredbi člana 29. Statuta društva, ministar trgovine, turizma i zaštite okoliša Hercegovačko-neretvanskog kantona objavljuje:

**PONOVLJENI JAVNI KONKURS
ZA IZBOR I NOMINOVANJE DVA ČLANA NADZORNOG ODBORA U PRIVREDNOM
DRUŠTVU HTP "SALUS HOTEL STELLA" D.O.O NEUM, ISPRED DRŽAVNOG
KAPITALA**

I. Predmet javnog konkursa

Objavljuje se javni konkurs za izbor i nominovanje na upražnjene pozicije članova Nadzornog odbora ispred državnog kapitala u privrednom društvu:

- HTP "Salus Hotel Stella" d.o.o. Neum- dva(2)člana

II. Opis pozicije

Nadzorni odbor nadzire poslovanje privrednog društva i rad Uprave Društva, usvaja izvještaje Uprave o poslovanju po polugodišnjem i godišnjem obračunu (sa bilancom

stanja, bilancom uspjeha i izvještajem revizije), podnosi Skupštini godišnji izvještaj o poslovanju Društva, koji obavezno uključuje izvještaj o radu Nadzornog odbora, imenuje upravu(direktora)Društva, predlaže raspodjelu i način upotrebe dobiti i način pokrivanja gubitka, odlučuje o davanju prokure, u drugom stepenu odlučuje po žalbama na odluke Uprave, sklapa pravne poslove koji tokom jedne godine ne prelaze vrijednost jedne trećine knjigovodstvene vrijednosti Društva, daje saglasnost Upravi Društva za sklapanje pravnih poslova preko iznosa od 50.000,00KM, u skladu sa odredbama Uredbe, odredbama Zakona o privrednim društvima FBiH(„Službene novine FBiH“ ,broj: 81/15 i 75/21), Zakona o javnim preduzećima u FBiH(„Službene novine FBiH“, broj: 8/2005, 81/2008, 22/2009 i 109/2012), te drugim važećim propisima zastupa i štiti interese državnog kapitala, obavlja i druge poslove u skladu sa Statutom Društva i Poslovníkom o radu.

III. Mandat i način izbora

Nadzorni odbor Društva čine tri(3)člana koje imenuje i razrješava Skupština Društva tako da dva(2)člana imenuje na prijedlog zastupnika državnog kapitala, a jednog(1) člana na prijedlog zastupnika privatnog kapitala. Mandat članova Nadzornog odbora traje četiri (4) godine. Članovi Nadzornog odbora imenuju se istovremeno. Na prvoj konstituirajućoj sjednici Nadzorni odbor jednog od svojih članova, a koji je predložen ispred državnog kapitala bira za predsjednika. Nakon isteka mandata, članovi mogu biti ponovo imenovani u skladu s rezultatima rada i važećim propisima.

Članovima Nadzornog odbora pripada pravo na naknadu. Visina naknade reguliše se ugovorom koji odobrava Skupština Društva.

IV. Uslovi za poziciju

IV.1 Opšti uslovi

Kandidati za člana Nadzornog odbora moraju ispunjavati sljedeće opšte uslove:

- da su državljani Bosne i Hercegovine,
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri (3) godine od dana objavljivanja ovog javnog konkursa za upražnjenu poziciju ,
- da se na njih ne odnosi član IX.1. Ustava Bosne i Hercegovine,

IV.2 Posebni uslovi

Pored opštih uslova, kandidati trebaju ispunjavati i sljedeće posebne uslove:

- da posjeduju visoku stručnu spremu (VSS, VII stepen stručne spreml ili najmanje 240 ECTS bodova po Bolonjskom sistemu studiranja),
- da imaju najmanje pet(5) godina radnog staža u struci,

- da imaju certifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala („Službene novine FBiH“, broj:71/09 ,33/10 ,23 /11,83/11,2/13,80/13 ,48/15 i 20/16).Ukoliko kandidat ne posjeduje certifikat dužan je isti pribaviti u roku od šest(6)mjeseci od dana imenovanja,
- da nisu direktori ili zamjenici direktora privrednih društava u kojem država vrši ovlaštenja na osnovu državnog kapitala,
- da nisu nosioci pravosudne dužnosti ili nosioci druge dužnosti čije je vršenje po zakonu nespojivo sa učešćem u radu organa iz Uredbe,
- da nisu istovremeno predsjednici ili članovi nadzornih odbora u više od dva privredna društva, uključujući u taj broj i članstva u upravnim odborima državnih, federalnih ili kantonalnih agencija,
- da nisu na funkciji u političkoj stranci , u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“,broj:12/03, 34/03 i 65/13),
- da nisu izabrani zvaničnici, nosioci izvršne vlasti ili savjetnici u smislu odredbi Zakona o sukobu interesa u organima vlasti u Federaciji BiH („Službene novine FBiH“, broj: 70/08),
- da nisu vlasnici udjela ili zaposlenici u Društvu ili u bilo kojem drugom obliku sukoba interesa u ličnim ili profesionalnim odnosima utvrđenih Zakonom o sukobu interesa u institucijama vlasti u BiH,
- da nemaju privatni finansijski interes u društvu u kojem se kandiduju u smislu člana 2. točka 1.2 Zakona o ministarskim, vladinim i drugim imenovanjima u Federaciji BiH,
- da nisu osuđivani za krivično djelo ili privredni prestup koji bi ih činio nepodobnim za obavljanje dužnosti člana Nadzornog odbora, pet(5)godina od dana pravosnažnosti presude, isključujući vrijeme zatvorske kazne,
- da im pravosnažnom presudom nije zabranjeno obavljanje aktivnosti koje spadaju u nadležnosti nadzornog odbora,
- da ne postoje druge zakonske smetnje za obavljanje poslova u nadzornom odboru u koji se kandiduju,
- da posjeduju znanja i sposobnosti razumijevanja poslovnih izvještaja i poznavanja propisa iz oblasti privrednog prava i nadležnosti i dužnosti organa upravljanja privrednog društva,
- da posjeduju komunikacijske i organizacijske sposobnosti,
- da posjeduju sposobnost za savjesno, odgovorno i odlučno obavljanje povjerene funkcije i nepristrasno donošenje odluka,
- da su sposobni tumačiti ekonomske i pravne analize i propise,
- iskustvo u oblasti upravljanja privrednim društvima čija je osnovna djelatnost pružanje ugostiteljskih i turističkih usluga će se posebno vrednovati,
- da su ostvarili pozitivne rezultate rada tokom karijere.

V. Potrebna dokumentacija

Potpisana prijava kandidata treba da sadrži kraću profesionalnu biografiju(CV), adresu stanovanja, broj telefona za kontakt i e-mail adresa.

Kandidati su uz potpisanu prijavu dužni dostaviti sljedeću dokumentaciju:

1. izvod iz matične knjige rođenih,
2. uvjerenje o državljanstvu (ne starije od 6 mjeseci),
3. ovjerena kopija CIPS prijave prebivališta,
4. stečenu diplomu visokog obrazovanja(ovjerena kopija) u skladu sa navedenim u tački IV.2 alineja 1. Ako je diploma stečena izvan obrazovnog sistema Bosne i Hercegovine nakon 6. aprila 1992.godine, uz diplomu je potrebno dostaviti i rješenje o nostrifikaciji izdato od strane nadležnog organa,
5. potvrdu o radnom stažu na poslovima visoke stručne spreme u trajanju od najmanje 5 godina prije objave javnog konkursa, izdatu od strane nadležnih organa ili ranijeg poslodavca,
6. Certifikat iz tačke IV.2 alineja 3., ili izjavu ovjerenu od strane nadležnog organa uprave kojom se obavezuje da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti certifikat o završenom usavršavanju izdat od ovlaštenog organa bilo kojeg nivoa vlasti u Bosni i Hercegovini,
7. Ovjerenu izjavu kandidata za uslove iz tačke IV.1 ovog Javnog konkursa-opšti uslovi, alineje 3 i 4 Opštih uslova,
8. Ovjerenu izjavu kandidata za uslove iz tačke IV.2 ovog Javnog konkursa-posebni uslovi, alineje od 4 do 10 i alineja 13 Posebnih uslova,
9. Ovjerena izjava podnosioca prijave, kao nosioca podataka, da je dobrovoljno i slobodno priložio prijavu na javni konkurs i traženu dokumentaciju, te da svojom slobodnom voljom daje suglasnost i svoj pristanak da se njegovi lični podaci obrađuju u svrhu provođenja ovog javnog konkursa.

Dokumenti koji se prilažu uz prijavu na javni konkurs moraju biti originali ili ovjerene kopije.

Dostavljeni dokumenti se ne vraćaju kandidatima.

VI. Ostale napomene

Komisija će razmotriti sve potpune i blagovremeno dostavljene prijave i sačiniti listu kandidata koji su ušli u uži izbor.

Kandidatima koji su uvršteni u listu kandidata za uži izbor biće upućen poziv na intervju kojim će se između ostalog provjeriti ispunjavanje uslova iz tačke IV.2 ovog Javnog konkursa-posebni uslovi , alineje 14, 15, 16,17, 18 i 19 Posebnih uslova.

Prilikom procjene posebnih uslova , kriteriji navedeni pod alinejama od 14 do 19 iz tačke IV.2 ovog Javnog konkursa izrazit će se bodovima od 1 do 5.

Prije intervjua svi kandidati dužni su dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac , u kojem

će navesti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se dobiti neposredno pred održavanje intervjua.

Nakon obavljenog intervjua komisija će sačiniti listu kandidata koji ispunjavaju kriterije za nominovanje i pismenom preporukom Vladi Hercegovačko-neretvanskog kantona dostaviti listu sa najbolje rangiranim kandidatima na razmatranje i dalje postupanje.

Od kandidata koji budu predloženi za imenovanje tražit će se obavezna dostava sljedećih dokaza:

- uvjerenje nadležnog suda da kandidat nije osuđivan za krivično djelo ili privredni prestup koji bi ga činio nepodobnim za obavljanje dužnosti člana Nadzornog odbora pet(5)godina od dana pravosnažnosti presude, isključujući vrijeme zatvorske kazne(ne starije od tri mjeseca od dana objave javnog konkursa)
- uvjerenje da kandidatu presudom suda nije zabranjeno obavljati aktivnosti u nadležnosti nadzornog odbora (ne starije od tri mjeseca od dana objave javnog konkursa)

Ovaj konkurs objavit će se u dnevnim novinama „Oslobođenje“ i „Dnevni list“, kao i „Službenim novinama Federacije BiH“.

Konkurs ostaje otvoren petnaest(15) dana od dana posljednjeg javnog objavljivanja . Prijave dostavljene nakon navedenog roka ili sa nepotpunom dokumentacijom neće biti uzete u razmatranje.

Prijave sa traženom dokumentacijom sa naznakom :

**„Prijava na javni konkurs za izbor i nominovanje dva člana Nadzornog odbora u
privrednom društvu HTP "SALUS HOTEL STELLA" d.o.o Neum,
ispred državnog kapitala-NE OTVARATI“**

dostavljaju se poštom preporučeno ili neposredno na protokol Ministarstva na adresu :

**Ministarstvo trgovine turizma i zaštite okoliša
Hercegovačko-neretvanskog kantona
Komisija za izbor i nominovanje kandidata za članove Nadzornog odbora društva
HTP "SALUS HOTEL STELLA" D.O.O NEUM, ispred državnog kapitala
Braće Fejića bb
88 104 Mostar**

